

Mashinaikanitshuap anite
netutuakanit auen niatshi-
uauitak assinu ua aitutakannit

270

Atusseun ua tutakanit tshetshi etatu mitsheki uashtenitamakan-
apisha nete Minganie – Tshe utshipaniti nete etusseshtakanit
nanimissiu-ishkuteu shipit, Unaman-shipu

Ka aishpanit ka natu-tshissenitakanit atusseun kie ka natakaniht auenitshenat

Upau-pishim^u 2010

ESHI-PISHKAPATAKANIT, ETENITAKANIT KIE AIMUN MASHTEN UENUIPANIT

Eshi-pishkapatakanit tshekuan kie etenitakanit

- ◆ Utshimauat ka natu-tshissenitahk atusseunnu uitamuat umenu : ne tshishe-utshimau tshika utinam^u mashten aimunnu, tshetshi ma itsheuenakanit neme ua pimapekamutakaniti uashtenitamakan-apisha nete pessish tekuaki shakaikana *Belmont* mak *Magpie* kie ma tshetshi minat *Hydro-Québec* tshetshi tutaminiti atusseunnu kie tshetshi nakatuapataminiti nenu assinu tshetshi eka mamashitakannit kie nenua aueshisha etaniti kie eshi-nitautshinnit anite assit.
- ◆ Utshimauat ka natu-tshissenitahk atusseunnu uapatamuat umenu : ne *Hydro-Québec* tutamushapan tshekuannu tshetshi eka shuk^u mishta-itutenanunit nete assit ka kanuenitakaniti, nete pessish shakaikana tekuaki *Belmont* mak *Magpie*, ishinakuaki tshetshi katshitaikaniti assia neme itapekamutakanitau uashtenimakan-apisha nete ut Romaine 4 nuash nete Montagnais eshinikatet ne mitshuap nanimissiu-ishkuteu.
- ◆ Utshimauat ka natu-tshissenitahk atusseunnu uitamuat umenu : uin ne tshishe-utshimau tshika utinam^u aimunnu, tshetshi eka pimapekamuniti uashtenitamakan-apisha nete Mishta-shipit, assi ka tshishpeuatakanit ka ui ishi-uitakanit kie ma tshetshi tapuetuakue *Hydro-Québec* tshetshi tutaminiti atusseunnu mak tshetshi nakatuenitaminiti anite eshi-takuannit anite assit, eshi-nitautshik tshekuan kie aitun anite tekuak.
- ◆ Utshimauat ka natu-tshissenitahk atusseunnu uapatamuat umenu : *Hydro-Québec* tshipashkuaimushapan assinu tshetshi eka

itutenanunit nete Mishta-shipit, assi ka tshishpeuatakanit ka ui ishi-uitakanit. Tshipa takuannu anite utatusseun itapekamutati uashtenitamakan-apisha tshe utshipaniti nete *Romaine 2* tshe itapekamuniti nuash *Arnaud*.

- ◆ Utshimauat ka natu-tshissenitahk atusseunnu uapatamuat nenu eshpannit. Neme ka ishi-uapatiniuenanut anite tshipa pimapekamutakanua uashtenitamakan-apisha nete *Matamec* assi ka tshishpeuatakanit, ekute anu tshipa minuau kie atut tshipa mishta-pikunakanu assi itenitam^u ne tshishe-utshimau ka tshitapatak atusseunnu, assinu kie nenua ka tshishpeuatakanniti assia.
- ◆ Utshimauat ka natu-tshissenitahk atusseunnu uapatamuat umenu : ne assi ka tshishpeuatakanit *Matamec*, shash anite itapekamua uashtenitamakan-apisha, *161kV* ishpishimakana, shash neni takuanipani eshk^u eka ishi-uitakanit miam assi ka tshishpeuatakanit mak nete itetshe uinipekut etatu tshipa atshupanu assi itapekamutau anite uashtenitamakan-apisha.
- ◆ Utshimauat ka natu-tshissenitahk atusseunnu uapatamuat umenu : peikuan iapit eshpush mishta-atusseshtakanit ne ua itapekamutakaniti uashtenitamakan-apisha anite tekuak *Matamec* eshinikatakanit nete tshe utshipaniti *Romaine 2* tshe itapekamuti nuash nete *Arnaud*, tshika mishta-unitakanu assi, shash ka mishta-tshishpeuatakanit.
- ◆ Utshimauat ka natu-tshissenitahk atusseunnu ua tutakannit uapatamuat umenu : *Hydro-Québec* aieshkushtashapan tan tshe

itatusset itapekamutati uashtenitamakan-apisha kie tan tshe ishi-nakatuapatakanniti nenua *Romaine 2* tshe itapekamuti nuash *Arnaud* kie anite assit ka tshishpeuatakanit *Matamec* tshe itapekamuti apisha. Tshika nakatuapakanu tshetshi eka uanasse itutet auen kie ma tshetshi eka tat anite assit.

- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : ne *Hydro-Québec* tshipa ui takut tshekuannu tutam^u. Tshipa ui akuashkuaim^u mashinaikanuiannu, anite tekuannit nenu assinu tsheshpeuatakannit *Matamec*. Tshipa ui mashinateu anite eka tiapuetakanit anite assit tshetshi itutenanut nete itetshe tshe pimapekamutakaniti neni uashtenitamakan-apisha tshe utshipaniti nete *Romaine-2* tshe ishpaniti nuash *Arnaud*.
- ◆ Utshimauat ka natu-tshissenitahk atusseunnu ua tutakannit uapatamuat eka nasht tekuak tan tshe ishi-tshishikashunanut ne uenitakanit assi, neni ka tshishpeuatakaniti assia, uashtenitamakan-apisha pimapekamutakanitau anite assit nete tshe utshipaniti nanimissiu-ishkuteu etutakanit *Romaine*.
- ◆ Utshimauat ka natu-tshissenitahk atusseunnu ua tutakannit uapatamuat umenu : eka niashatakannit nemenu tshishe-utshimau ka ui etatu mishitat assia ka tshishpeuatakaniti, (8%) eshpishaniti anutshish nuash (12 %) eshk^u eka utitaikanit neme pipun 2015. Tanite tshipa atshupanu ne assi ka tshishpeuatakanit, pimapekamutau uashtenitamakan-apisha kie ne meshkanau itamutakaniti.

- ◆ **Etenitakanit ne tshekuan** – Utshimauat ka natu-tshissenitahk atusseunnu itenitamuat umenu : tshetshi kanuenitakanit eshpishat ne assi shash ka tshishpeuatakanit ute Uepishtikueiau-assit, tshipa ishinakuan tshetshi tshishikashunanuti neni tshe eshpish unitakaniti assia ka tshishpeuatakaniti tutakaniti ne atusseun.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : tshek ma unitakanitau neni eshpishati assia ka tshishpeuatakaniti, ka ui kanuenitakaniti tanite minuashu anite eshi-nitautshik tshekuan, miam eshinakuak nete shakaikana tekuaki *Belmont* mak *Magpie* kie iapit nete Mishta-shipit, kutaka assia ka minuashiti kie menuashit anite natautshik tshekuan, tshipa ui patshitinakanua kie miam ka ishpishat ne assi ka unitakanit.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : ne eshpish unitakanit assi, anite ka minu-nitautshik tshekuan, *Matamec* ka ishinikatet, tshipa ishi-tipaikatshenanu miam shash katshi ishinakuak tshekuan. Mak ne eshpish mishta-tshishpeuatakanit, tshipa ishinakuan tshetshi kutak assi patshitinakanit, kutak tshe tshishpeuatakanit. Tshipa ui nishtuau tatuau atshitakanu tshe ishpishat ne assi mak at ne peik^u ka ishpish patshitinakanit.
- ◆ Utshimauat ka natu-tshissenitahk atusseunnu ua tutakannit, uapatamuat umenu : ne *Hydro-Québec* ishi-tshiuenamueu nenua tshishe-utshimaua ka tshitapataminiti atusseunnu, assinu kie nenua ka tshishpeuatakanniti assia, tshika ui nasht minuieu assiu-kanua

tutuati, enukutakaniti masekua, meshta-tshinukamaniti pikuassipekua, minashkuat tekuaniti kie ma epishashiniti. Tshika ui nakatuapatam^u nenua assia tekuanniti miam tutaki umashinaikana, assiu-kanua tutuati kie natuenitaki tshetshi mushuaushkaitshenanunit.

- ◆ Utshimauat ka natu-tshissenitahk atusseunnu ua tutakannit, uapatamuat umenu : ne *Hydro-Québec* tshika tutam^u tshetshi eka itutenanunit anite tekuaki masekua miam eshi-pakushenitak ne tshishe-utshimau ka tshitapatak atusseunnu, assinu kie nenua ka tshishpeuatakanniti assia.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : tutuakanitau assiu-kanuat anite tshe uitakaniti tanite tekuaki neni masekua, anite tshipa pimapekamutakanua uashtenitamakan-apisha kie ma anite upime, kassinu nenu auen tshipa ui minakanu tshetshi tshissenitak.
- ◆ Utshimauat ka natu-tshissenitahk atusseunnu ua tutakannit uapatamuat umenu : tshetshi anu mishta-mamushatinakaniht mishtikuat, ne tshishe-utshimau ka nakatuapatak minashkuat, eshinitautshinnit tshekuannu anite kie aeshisha etaniti, tshipa tapuetam^u tshetshi mishta-tshimikaitsheniti katshimikaitsheshiniti, ka kanuenitaminiti atusseu-mashinaikana. Tshipa ui mishkut ishpishikamuat nenu atusseunnu.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit pishkapatamuat umenu : ne *Hydro-Québec* tshipa mineu mashinaikannu nenua tshishe-utshimaua ka

nakatuapataminiti minashkuat mak eshi-nitautshinnit tshekuannu kie aueshisha etaniti, tan tshipa ishi-mamushatshinakanuat mishtikuat. Anitshenat utshimauat itenitamuat ashit, anu tshipa minuau tshimatakanit mamuitun tshetshi taht auenitshenat tiakauakaniht, tshetshi mamu tshitapatakanit tan tat^u mishtikuat tshe tshimikauakaniht, anitshenat eka ka atshimakaniht ushkat ka itenitakanit tshe ishpush utinakaniht.

- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat, miam anitshenat e tutahk iapit tshishe-utshimauat, ne ka nakatuapatak minashkuat, eshi-nitautshinnit tshekuannu kie aueshisha etaniti mak ne ka tshitapatak atusseunnu, assinu kie nenua ka tshishpeuatakaniti assia, anu tshipa minuaua tshetshi pitshissiputakaniti neni mishtikua eka menuati, mushuaukaissenanuti, itapekamutakanitaui uashtenitamakan-apisha.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : ne *Hydro-Québec* tshipa uapatiniu nenua tshishe-utshimaua ka tshitapataminiti atusseunnu, assinu kie nenua ka tshishpeuatakaniti assia, mekuat atusseshtaki nenu tshe aitutak assinu eka shuk^u meshta-apashtat matshi-natukuna tshetshi eka nitautshiniti mishtikua nete tshe pimapekamuniti uashtenitamakan-apisha. Tshipa ui ashit uitam^u tan tshe ishi-nashatak, natu-tshissenitaki mashkushua kie mishtikua tshetshi eka nitautshiniti anite pessish uashtenitamakan-apisha tshe takuanniti.

- ◆ Utshimauat ka natu-tshissenitahk atusseunnu ua tutakannit uapatamuat umenu : kushtikuannu tshetshi eka inniuht minashkuau-atikuat mak mitshet tshekuan tutakanu tshetshi etatu mitshetiht atikuat.
- ◆ Utshimauat ka natu-tshissenitahk atusseunnu ua tutakannit uapatamuat umenu : ne *Hydro-Québec* apu takuannit tshipa ishi-pimuteu tshetshi nakatuapamat minashkuau-atikua etashiniti kie anite etaniti. Ne tshishe-utshimau ka nakatuapatak minashkuat mak eshi-nitautshinnit tshekuannu kie aueshisha etaniti uitam^u eka tshe ishpannit nenu atusseunnu ua tutakannit, tshetshi uapatakanit tshipa tutakuat anitshenat minashkuau-atikuat nenu atussenanuti.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : tshetshi akua tutuakanit mak e tshissenitakanit eka shuk^u taht minashkuau-atikuat, ne *Hydro-Québec*, tshipa ui ueueshi-tshitapatam^u ashit nenua tshishe-utshimaua ka nakatuapataminiti minashkuat mak eshi-nitautshinnit tshekuannu kie aueshisha, tan tshipa ishpishanu anite tshe takuanniti uashtenitamakan-apisha, tan tshe ishi-nakatuenimakanit kie tan tshe ishi-katshitaुकut nenu minashkuau-atik^u, atusseunnu tutakanniti.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : ne *Hydro-Québec* tshipa ui shaputuepanu nenu ka natu-tshissenitak, tshetshi ma minuut tshekuan ka neneshtakanit anite tshishikut. Tshipa ui atshitakanu tan eshpish amatshuepanit ne eka menuat tshekuan

tekuak anite tshishikut ka pikunak assinu, anite uetshipanit ka tutakanit nanimissiu-ishkuteu kie neni uashtenitamakanit-apisha itapekamutakaniti. Ne tshekuan eshi-mishkakanit tshipa ui unuipanitakanu tshetshi kassinu tshitapatak tanite ishinakuannu tshetshi tshissenitak auen tshekuannu.

- ◆ Utshimauat ka natu-tshissenitahk atusseunnu ua tutakannit uapatamuat umenu : neme ka ui minupanitakannit nenu tshe itatusset, ne *Hydro-Québec* uitshikupan tshetshi eka shuk^u mishta-pimipaniti mishta-utapana eshakumitshishikua nete tshe tshimatakaniti mitshuapa ne tshe tutakanit nanimissiu-ishkuteu nete *Romaine-1* mak *Romaine-2* mak tshe itapekamutakaniti uashtenitamakan-apisha. Uapatamuat mishkut eshk^u tshe ui atusseshtakannit tshetshi minupanitakannit nemeni ui tshimatakanitau mitshuapa anite tshe tutakanit nanimissiu-ishkuteu, tshe ishinikateti *Romaine 3* mak *Romaine 4*.
- ◆ Utshimauat ka natu-tshissenitahk atusseunnu ua tutakannit uapatamuat umenu : ne *Hydro-Québec* ui tutam^u tshetshi eka shuk^u mishta-pimipaniti mishta-utapana tepishkaniti nete mishta-meshkanat 138 neme atussenanuti, nete nanimissiu-ishkuteu tutakaniti mak tshe itapekamutakaniti uashtenitamakan-apisha. Apu ui uakamakaniht anitshenat epiht upimeshkanat.
- ◆ Utshimauat ka natu-tshissenitahk atusseunnu ua tutakannit uitamuat umenu : atshitakaniti nemeni utapana tshe pimipaniti nete mishta-meshkanat 138, neme pipun 2011 nuash 2019 atussenanuti nete shipit *Romaine*, uashtenitamakan-apisha itapekamutakanitau

nete mitshuapit etutakanit nanimissiu-ishkuteu, mak nemeni utapana tshe pimipaniti neme tshimatakaniti ushkat mitshuap anite tshe tutakanit nanimissiu-ishkuteu tshika amatshuepanua etatiki utapana tshe pimipaniti. Anu anite tshika mitshena utapana tshe pimipaniti nete ushkat tshimatakanitau mitshuapa nete *Romaine-1* mak nete *Romaine-2*. Neme pipun 2011 nuash nete 2014, neupipuna eshpish, ekute anu mishta-mitshet utapana tshe pimipaniti nete meshkanat.

- ◆ Utshimauat ka natu-tshissenitahk atusseunnu ua tutakannit uitamuat umenu : tshetshi atshupannit kie eka shuk^u auen katshitaukut pimipanitau mishta-meshkanat mishta-utapana, mitshetuat anitshenat tshe ui uitshi-atussemituht. Tshika ui nishtutatuat kie uauitshituat anitshenat etaht anite pessish etussenanunit, *Hydro-Québec*, tshishe-utshimau ka tshitapatak meshkanaua, mishtikushiu-kamakunueshiht, utenassa ka takuanueni kie anitshenat kenuenitahk nenua mishta-utapana.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : tshessenitakanniti tshe mishta-mitsheki mishta-utapana kie anu tshe pimipaniti neme 2012, mishta-apatat tshetshi shash ui tutakanit tshekuan tshetshi eka mishta-katshitaukuht anitshenat epiht anite pessish mishta-meshkanat.
- ◆ Utshimauat ka natu-tshissenitahk atusseunnu ua tutakannit uapatamuat umenu : ne tshishe-utshimau ka tshitapatak meshkanaua uitshi-atussemeu *Hydro-Québec*, nuash eshpish

tananunit 2012, tshetshi nakatuapatahk tshetshi eka tshekuannu ishpannit kie tshetshi eka shuk^u mishta-katshitaukuniti nenua epiniti nete mishta-meshkanat 138, nete natamit itetshe tekuak ne *Minganie* assi eshinikatet.

- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : ne tshekuan ua tutakanit tshetshi eka mishta-katshitaikanit tshekuan, neni mishta-utapana e uauitakaniti, shash anite tshitshipannanuipan etatu e mishta-minu-aitutakanit kie e minu-nakatuenuitakanit eshpanit anite meshkanat. Eukuan ne uet ui minutakanit ne mishta-meshkanau 138, nete mamit Uashat, tshetshi eka mishta-mitshetiki utapana kie tshetshi eka kushtikuak pemipatananuti. Tshipa ui tutam^u ne tshishe-utshimau ka tshitapatak meshkanaua eshk^u eka tananut 2014, tshipa uitshiueu an itatussenanut, atut tshipa mishta-katshitaukanuat auenitshenat.
- ◆ Utshimauat ka natu-tshissenitahk atusseunnu ua tutakannit uitamuat umenu : ishkuteu-ush apashtakaniti tshetshi itautakanit tshekuan nete etussenanut, apu ishpish tshipa mitshena mishkut mishta-utapana pemipaniti nete mishta-meshkanat 138. Ne apashtakaniti ishkuteu-ush, apu mishta-uinakutakanit assi kie apu unuiapatet natamik^u tshekuan anite ut utapanit tshetshi pikunikanit assi.
- ◆ Utshimauat ka natu-tshissenitahk atusseunnu ua tutakannit uapatamuat umenu : etatu tshishikashunanu ne ishkuteu-ush tshetshi itautakaniti tshekuana nete etussenanut mak at ne mishta-

utapan apashtakanit. Eukuan uet eka ui pushtakaniti nete ishkuteu-utit neni tshekuana anite itetshe etananut shipekut *Saint-Laurent*.

- ◆ Utshimauat ka natu-tshissenitahk atusseunnu ua tutakannit uapatamuat umenu : ne *Hydro-Québec* tshika pushtau passe tshekuana nete ishkuteu-utit muk^u anu nenua mishta-utapana tshika apashtau tanite anu tshishikashunanu ishkuteu-utit epushtakaniti tshekuan. Utshimauat uitamuat umenu : ne atusseun etutakanit nete shipit *Romaine* mak tshe ui itapekamutakaniti uashtenitamakan-apisha, tshishe-utshimau shash tshi natu-tshissenitam^u tshetshi ma minupanikue tshetshi apashtakanit ishkuteu-ush itautakaniti tshekuan nete etussenanut.
- ◆ Utshimauat ka natu-tshissenitahk atusseunnu ua tutakannit uapatamuat umenu : neni tshe itapekamuti uashtenitamakan-apisha, apu tshika ut katshitaikaniti natau-assia nete itetshe akuanutin ek^u nete tshiuetinit itetshe, tshipa katshitaikana anite nisht^u unatau-assiuaua anitshenat uashaunnuat.
- ◆ Utshimauat ka natu-tshissenitahk atusseunnu ua tutakannit uitamuat umenu : apu tshekuannu tshi tutak anite niatapishtatunanunit, tshetshi nishtutatuniti uashaunnua mak nenua *Hydro-Québec*.
- ◆ Utshimauat ka natu-tshissenitahk atusseunnu ua tutakannit uapatamuat umenu : anite eshpish nanakuaki neni tekuaki minishtikua, ka tshitaimatshenanuti assia ekuanitshiu-minishtikua mak nete tshe itapekamutakaniti uashtenitamakan-apisha mak neni

utshua tekuaki nete nutshimit, atut tshipa mishta-tshikanakuana neni apisha tshe takuaki nete minashkuat.

- ◆ Utshimauat ka natu-tshissenitahk atusseunnu ua tutakannit uapatamuat umenu : utinakanishapan peik^u kupaniesh, nenua pitu-utshimashkueua, ne tshishe-utshimau ka nakatuapatak minashkuat mak eshi-nitautshinnit tshekuannu kie aueshisha mak ka takuaimatak nenu atusseunnu eshinikatenit « *Plan Nord* ». Ne kupaniesh tshika natu-tshissenitam^u tan eshi-katshitauakanniti auennua miam ka ishi-natashtat ne atusseutshuap *MRC Minganie*. Ne kupaniesh ka utinakanit, tshipa tshi natashtueu tshekuannu tshetshi ueueshtaht eka menupannit.
- ◆ Utshimauat ka natu-tshissenitahk atusseunnu ua tutakannit uapatamuat umenu : anitshenat kupanieshat ua atusseht tshipa ui utshipanuat anite pessish utenassa tekuaki mak ne *Hydro-Québec* itenitam^u nemenu mishta-mishaniti atusseunnu, apu tshika nutepaniht kaiatusseshiht.
- ◆ Utshimauat ka natu-tshissenitahk atusseunnu ua tutakannit uapatamuat umenu : ne *Hydro-Québec* tshika atusseshtam^u eshk^u eka tshitshipannanunit etussenanunit nemenu 2011, tanite tshe anakaniht kaiatusseshiht, neme itapekamutakanitau neni atusseutshuapa anite etutakanit nanimissiu-ishkuteu.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : *Hydro-Québec* tshipa ui shash tshitapatam^u tanite tshe apiniti auenua tshetshi eka nutepannanuti mitshuapa kie tshetshi eka nutepannit anitshenat

maniteuat anite tshe apiht kanapue nanimissiu-ishkuteu tutakanu. Ne *Hydro-Québec* tshipa ui mineu aimunnu nenua *MRC de Minganie* mak nenua *MRC Sept-Rivières*.

- ◆ Utshimauat ka natu-tshissenitahk atusseunnu ua tutakannit uapatamuat umenu : mitshet tshekuannu tshipa tutam^u ne *Hydro-Québec* tshetshi anite pessish utenassa tekuanniti pitutepanitat shunianu kie kupaniesha tshetshi utshipanniti anite pessish mak ashit innua tshetshi utinaht.
- ◆ **Etenitakanit ne tshekuan** – Utshimauat ka natu-tshissenitahk atusseunnu ua tutakannit itenitamuat umenu : nenu tshekuannu niatashtat ne *Hydro-Québec* tshetshi etatu mishituepanitat atusseunnu kie pitutepannit shunianu mak tshetshi utinat anite kupaniesha pessish, nashatam^u nenu ka ui minupanitakannit atusseunnu kie eshi-pitutepannit shunianu miam ka itashtet takuaikan nete ka mishituepanitakanit atusseun kie shuniau e takuak.

Mashten aimun ka pimipanitakanit

Neme atusseun ua tutakanit tshetshi itapekamutakanit ne nanimissiu-ishkuteu tshe ishpish tutakanit nete shipit *Romaine* nuash *Hydro-Québec* eshi-kanuenitak ait mitshuapa anite etutakanit nanimissiu-ishkuteu. Ne tshishe-utshimau tapuetamupan tshetshi tutakannit nemenu pipunnu 2009. Nishuait anite tshipa itapekamutakanua neni uashtenitamakan-apisha tshetshi nasht

uemut minupanit ne nanimissiu-ishkuteu etutakanit. Tshipa ishpish tutakanu ne nanimissiu-ishkuteu, miam ka itenitakanit 735 kV, neni tshe tapitiki uashtenitamakan-apisha tshipa ishpish apashtakanua ushkat 315 kV. Tshipa etatu mishau ne tshe ishpish pimipanitanit nanimissiu-ishkuteu, tshipa put nete aishkat etatu mishau tshe ishpish tutakanit. Atut tshipa tshikamutakanua kutaka uashtenitamakan-apisha kie atut tshipa uinakutakanu ne assi.

Katshi tshitapatahk anitshenat utshimauat ka natu-tshissenitahk atusseunnu ua tutakannit ishi-uapatamuat, ne ua mishitakanit anite tshe pimapekamutakanit nanimissiu-ishkuteu nete *Minganie* – tshe ui ututakanit nete ut shipit *Romaine*, tshipa minuau tutakanit kie tshipa tapuetakanu. Tshipa mishkut pitama nashatakanu ne eshi-uetashumuenanut. Tshipa ui ishi-mamitunenitakanu nete nikan, tshetshi eka mitshetuau ishinakuak ne e tutakanit atusseun, e itapekamutakanit.

Neme e tshitapatakanit eshpanit assit kie eshi-takuak anite tshekuan, tshek ma tapuetakaniti tshetshi tutakanit atusseun, neme tshe pimapekamuti uashtenitakan-apisha, tshipa itapekamua nenu nish^u assia ka tshishpeuatakaniti pessish tekuaki shakaika *Belmont* mak *Magpie* mak neme Mishta-Shipu. Anitshenat utshimauat ka natu-tshissenitahk nenu atusseunnu uitamuat nenu : ne tshishe-utshimau tshipa tshi tapuetueu *Hydro-Québec* tshetshi itatusseniti muk^u tshipa ui nashataminua eshi-ueuetashumat. Tshipa tshi ashit iteu tshetshi eka pimapekamutaniti uashtenitamakan-apisha nete assit, nenua ka ishi-natashtat ne *Hydro-Québec*. Neme assi Matamec, nasht apu minupannit tshetshi takuak anite, tanite

mishta-nakatuenuitakanu ne assi, atut tshipa pimapekamutakanua anite uashtenitamakan-apisha. Atshunakaniti neni assia ka tshishpeuatakaniti, ka tshitaimatshenanuti, atut tshipa nashatakannu nenu tshishe-utshimau ka ui tutak, 12% assia tshetshi tshishpeuatak eshk^u eka tananunit 2015. Anitshenat utshimauat ka natu-tshissenitahk nenu atusseunnu uitamuat umenu : ne eshpish atshupanit assi, tshipa ui kau kutak takuan tshekuan etutakanit mak tshetshi nashatakannit nenu tshishe-utshimau ka tshitapatak atusseunnu, assinu kie nenua ka tshishpeuatakanniti assia.

Neme eshi-nishtuapatakanit eshi-nitautshik tshekuan anite assit, *Hydro-Québec* tshipa ui uapatiniou nenua tshishe-utshimaua ka tshitapataminiti atusseunnu, assinu kie nenua ka tshishpeuatakaniti assia tshe nakatuapatak assinu. Tshika ui nukuannu eka tshe apashtat mashe-natukuna nete uashtenitamakan-apisha tshe takuanniti mak tshika ui tutam^u umashinaikan tshi tshishtati utatusseun, nenu eshi-nitautshinit assit tshe ishi-nakatuapatak. Nenu kueshtikushit minashkuau-atik^u tshetshi meshtapinatakanit mak tshetshi anu nakatuapamakanit, ne Hydro-Québec tshipa ui ueueshi-tshitapatam^u tshe ishi-atusset ashit nenua tshishe-utshimaua ka nakatuapataminiti minashkuat, eshi-nitautshinnit tshekuannu anite kie aueshisha etaniti. Tshipa ui tshissenitamuat tanite tshipa nakatuapamakanu minashkuau-atik^u tshetshi tshissenimakanit tan etutakut nenu atusseunnu etutakannit.

Nete itetshe utenassa tekuaki, etatu tshika mitshetupanua utapana tshe pimipaniti nete mishta-meshkanat 138 kie neme pipun 2012,

ekute anu tshe mitsheki. Tshipa mishta-apatán tshetshi tutakanit tshekuan eshk^u eka tananut 2012, tshetshi eka mishtakatshitaauakaniht auenitshenat. Mak ne ashit, apu ishinakuannit anitshenat utshimauat ka natu-tshissenitahk atusseunnu ua tutakannit tshetshi utinahk aimunnu anite mekuat niatapishtatunanunit, nenua uashaunnua mak *Hydro-Québec*, uapatamuat tshe katshitaikanniti unatau-assiuaua nisht^u anite innuat uetshipaniht nete Uashat mak Mani-utenam.

Neme atusseun e uauitakanit, peik^u anite kupaniesh utinakanipan tshetshi takuaimatak atusseunnu etutakannit nete shipit, tshishe-utshimau nenua ukupaniema. Tshika tshitapatam^u nenu eshikatshitaauakaniti auenua ka taniti nete *MRC de Minganie*, mak tshika ui mishkam^u tshekuannu tshe tutak tshetshi ueueshtat eka menupannit. Nemeni mitshuapa anite tshe apinanut tshipa ui ashit atusseshtakanu, ne *Hydro-Québec* tshipa ui mineu aimunnu nenua etusseniti nete *MRC de Minganie* mak *Sept-Rivières*, tshetshi eka nutepaniti mitshuapa kie anite tshe apinanut. Nenu tshekuannu tshe tutak ne *Hydro-Québec* tshetshi etatu pitutepanit shuniaiu ute assit kie kupanieshat tshetshi utshipaniht ute nashatam^u nenu ka ishi-natuenitamuakanit.

Nete Uepishtikueiat tutakanipanit

Pierre Fortin

Ka utshimaut netu-tshissenitakannit atusseunnu

Anne-Marie Parent

Ka atusset nete netu-tshissenitakannit atusseunit

